



^ 16  
2802  
4



18  
2802  
4

文清公詳先生文集卷之五

門人關西張鼎校正編輯

絕句

朝回行堤上

御溝行處早朝回  
春水平堤不起埃  
柳絲蒲青無限  
好客邊襟抱一時開

簡焦李羅劉四侍御

綠柳紅葵滿憲臺  
幾陪簪笏共徘徊  
昨朝一別長官  
去直到新年院裏來  
末用韓句

文明門外水悠悠  
姝子歸來雨打頭  
却笑道人心似

昭和十九年  
五月六日  
張鼎

鐵久無飛夢到青樓

鐵羽都門鎮日開無風車馬也塵埃雷公不吝連朝  
雨洗盡炎蒸一快哉

每憶清談對數公別來無日不從容少陵自是能詩  
者却笑樽中酒屢空

黃榜同年雙進士青毡並榻兩先生四君高論應難  
及別後深知鄙吝萌

讀劉靖脩黃金臺詩

賢者何曾爲此來黃金空復壘高臺先生志節超千  
古一山清風溢九垓

再懷沅州五友

沅陽清氣滿烏臺爲有脩篁繞戶栽兩載好風明月  
夜新詩誰對此君裁

無端詩興遠誰添紅白雙梅倚畫簷千里中州風雪  
夜一窓清月憶湘南

簾捲秋風繞砌花沅陽幾對昔年華關山白露三千  
里誰采金英泛紫霞

持贈曾同驛使梅紉香聊爾意徘徊當時九畹花應  
在幾向光風爛熳開

薜荔關邊綠錦池竹亭深坐晚涼時忽成遠道空勞

想秀色天香發向誰

汾上春行

清汾信馬踏春酣汀草萋萋隴麥蘄正是煖風啼鳥  
日水村花塢似江南

驟寒

曉起題詩硯有冰苦寒端欲訴玄冥却思持節荆南  
道臘月湖山草色青

河南將歸

我憶汾南田舍好綠槐如蓋擁高門南園舊種雙桐  
樹應有孫枝到碧雲

忽憶

忽憶鞏東峯子嶺入雲遙見大河流中原勝槩皆堪  
賦攬轡還當遂此遊

汾河南岸看杏花

兩載東風看杏花汾河南岸水西斜幾回駐馬憐穠  
艷只恐春流泛落霞

汾水南邊錦作堆連朝相報杏花開東風好景休虛  
擲一日須來一百迴

過壽陽用韓文公韻

征騎鷄鳴發大安山深五月尚風寒壽陽舉目孤城

近東嶺金烏爛曉圍

憲臺齋宿

憲臺齋宿幾連宵絳燭銀爐伴闌寥半帳夢回更漏  
永只聽窻外冷風飄

喜雨雜詠簡院長諸公八首

聖明端拱太平時好雨當春細若絲應是栢臺添氣  
象旋滋花柳更催詩

正是陽和溥萬方知時好雨潤群芳趣朝共觀

天顏悅應喜斯民樂泰康

霏霏朝雨潤彤庭恭逐鴻行謁 聖明白玉橋邊

珮過御溝春水一時生

御溝新柳濕鵝黃佩馬朝回雨露香栢府文書春日  
靜相過唯覺和詩忙

栢臺春靜晝厭厭好雨如絲不捲簾最是東君能借  
力閑庭草色一時添

雨過西山翠欲流葱葱佳氣滿 神州書生喜笑今

霜鬢駿馬看花已慣遊

聖王龍飛第一春天聖雨露萬方勻蒼生坐見躋仁  
壽自昔賡歌有舜臣

萬國同心奉 至尊斯民重見飲衢樽欲知和氣薰

天地只在三春雨露恩

發通津驛三首

六月官船發潞陽水村烟樹共微茫  
天門忽已如天上祇見青山一帶長

新捧天書帶紫泥又承恩旨按三齊  
通津南下波連海渺渺風帆去似飛

五色天書出禁中儒臣將命按山東  
滄波南下通洙泗魚躍鸞飛總帝功

宿臨清徽省行館

徽垣瀟灑九秋天風葉敲窗夜月圓  
有客乘驄來借宿新詩留作賃房錢

泉林寺

日午停驂山寺幽清泉古木亂蟬秋  
絕憐好景添清興爲寫新詩紀勝遊

夢與陳侍御話舊

分司相見是京華風節山東向子誇  
邂逅不知身是夢覺來秋雨濺窓紗

菊開憶去秋同官臺中共賞

去年客裏遇重陽曾與同官摘晚香  
今日分符行郡邑獨將遠意看秋芳

嘉祥分司元宵

行臺北面是蒼山古栢風生分外寒  
又值元宵春一度謾燒紅燭伴清歡

鉅野道中

鉅野茫茫遠際天春風春雨淡春州  
河流尚自成陳迹俯仰千年事落然

題汶上分司二小栢

霜臺對植長新枝翠葉交承雨露滋  
直榦總應無曲處禪年俱有棟梁姿

聞蛙有懷

春晚乘驄駐德平古城墻外有蛙鳴  
却思青草池塘夜三載湖南厭此聲

暮春道中見桃花尚開

馬穿新綠過園林已恨穠芳誤賞心  
猶有小桃花未落獨留餘艷到春深

鄒平分司雜詠二首

行臺獨坐聽鳴鳩喬木參天五月秋  
舉目好山青未了應隨馬足遍東州

樹繞行廊散碧陰鶯啼小圃送清音  
葵花無數開如錦鮮是傾陽共此心

臨淄道中

平郊漫漫樹依依人物千年總已非  
多少荒臺芳草合不知何處是三歸

青州分司榴花

石榴小萼未開時渾似紅櫻壓翠枝  
照日含風千萬朵故園千里正相思

穆陵關夜雨

萬山絕頂穆陵關一上山樓五月寒  
烟樹漸川浮暝色晚風吹雨濕闌干

膠州

幾點青螺海上山參差樓閣海天寬  
行臺五月不知暑祇覺侵人海氣寒

栖霞見青桃

來日紅桃尚有花青桃如彈過栖霞  
無端馬首還東去直看青山到海涯

栖霞行臺夏日

四山環繞柏臺深綠樹濃交戶外陰  
還似湖南持憲節坐聽山鳥弄清音

望嶽

攬轡西來過泰安拂空青靄掠征鞍  
東還筭是初冬



文集卷之五  
日擬上天門次第看

萊蕪懷古

清節誰能似范丹清名千載重人間萊蕪縣裏停驂  
日坐對南山秋色寒

再詠汶上分司二小楮

一迴相見一迴高夾砌行看翠葉交偉器定如房與  
杜相期聳壑更昂霄

魚臺分司

翠竹紅榴掩映間楮臺清畫鳥聲閑情知物理相關  
處心與乾坤一樣寬

三詠汶上分司二小楮

高標離立入簷長已有清陰近畫堂別後又看新子  
結風生滿院散天香

渤海道中

學道於今四十春擬將事業贊經綸又從北海尋東  
海叨祿能無愧古人

題書畫琴棋四首

書

鳥跡紛紛變化多競將姿媚逐流波欲知筆力通神  
處點畫都從主敬過

畫

翫物工夫有底忙江山萬景入微茫欲知畫出乾坤  
意只有濂溪獨擅場

琴

山自蒼蒼水自深魚桐瀉出伯牙心鍾期去後今千  
載誰復人間是賞音

棋

夏屋聲敲玉石寒輸贏只在一毫端傍人莫自誇高  
品當局方知下子難

題壽光分司壁畫四景

春

馬蹄十載遍江山萬紫千紅兀次看欲識春風今若  
面殷勤還訪杏花壇

夏

赤日紅塵十丈深碧溪垂柳愛清陰南風坐久頻吹  
面忽憶薰絃萬古音

秋

山高木落水涵空萬物蕭森爽氣中却羨隨陽無數  
鳥年年整翼候西風

冬

文集卷之五  
大雪茫茫海上來仙山遠近玉樓臺  
天書捧得行  
陽氣一歲衝寒有幾迴

題四知臺

人間無處不天公  
咲却黃金暮夜中  
千載四知臺下  
路至今猶自起清風

題壁間松鶴圖

忽驚虛室起潛蛟  
雲氣陰森爽氣飄  
霜雪不知幾千  
古長年惟有鶴來巢

臨胸分司四小栢二首

鮮是平生獨愛材  
新移四栢後堂栽  
懸知數百年來  
後應有清陰滿憲臺

四栢移來拱把餘  
一行分植傍階除  
故應雨露均培  
養直榦爭看聳碧虛

簡黃仲芳大叅三首

正統四年秋九月天官門下識君時  
神都第一科中  
客接踵青雲愧後期

雅量每期黃叔度  
正人應愧薛居州  
斯文四海知同  
調且喜京華並轡遊

天衢連日踏塵埃  
忽聽蕭蕭夜雨來  
明日况逢重九  
節好懷應爲大叅開

十二景爲衍聖公孔彥縉賦二十四首

小亭花雨

小結茅亭壘石臺，繞亭時雨百花開。  
一襟道氣清如許，更挹幽香滿座來。  
曾過君家飲小亭，醉看紅雨濕春馨。  
別來生意應如昨，長對東風閱聖經。

夾道槐雲

夾道槐根孔世家，兩行飛蓋影欹斜。  
要承濃渥千年蔭，不愛秋黃八月花。

數仞宮牆一路深，屯雲交翠落清陰。  
紅塵十丈知何在，祇引薰風養道心。

蘭階清露

零露瀼瀼帶曉濃，繞階晴霽轉光風。  
雲仍對此翠三弄，遂與宣尼古調同。

九畹移來遍孔家，芳叢時遣石闌遮。  
故應天意憐香潔，玉露年年潤好花。

桐井甘泉

千草嘉樹古梧森，一窟寒泉碧甃深。  
靜掃濃陰汲脩綆，清泠長是滌塵心。

樹環嘉木桐陰合，井冽寒泉地脉通。  
彩鳳九霄應有

待道源千古自無窮

海棠綴錦

長笑時人愛海棠  
芳姿何事近宮牆  
自緣要識春風面  
任遣花神綴錦粧  
綠烟初散錦囊空  
綽約仙人半醉中  
莫怪海棠顏色麗  
等閑紅紫盡春風

萱草堆金

綠帶春深近北堂  
更看紅錦爛天香  
國風千古遺詩在  
對此應知百慮忘  
自是春風造化機  
織成錦翠爛相依  
細看一種生生意  
真宰無言識者稀

松窓皓月

拂窓涼籟起秋聲  
綺席流光皓月明  
却憶劬軻談夜氣  
此時心迹已雙清

畫堂松月夜窓虛  
宴坐澄心一卷書  
莫道畫前元有易  
靜中天理亦森如

竹塢涼風

半畝琅玕出短墉  
煖烟輕霧碧陰重  
開門淨掃蒼苔坐  
細葉蕭蕭引好風  
戴雨含烟一逕幽  
每從長夏數追遊  
濃陰深處不知

暑祇覺涼風似水流

苔石疊翠

山骨移來帶蘚痕層巒疊巖勢飛翻杏花壇裏二春  
雨疑是岩間一片雲

氣通霄漢潤通泉融結還從太古間數點青螺雲起  
處散爲霖雨遍山川

花圃繁紅

煖雲無力趁東風小圃芳菲一逕通若問人間真太  
極便應攜手看春紅

參天喬木聖公家應愛春風滿滿花還似濂溪窓外  
草一般生意浩無涯

古牆秀栢

曲阜城中夫子墻墻頭老栢正蒼蒼托根終古同元  
氣未許榆材作棟梁

根蟠厚地榦參天環合宮墻不記年遙想杏壇傳道  
日唯應此木見三千

方沼瑞蓮

珍重當年太極翁曾呼道筆寫清通孔門自是傳心  
者還向方池看夏紅

玉井空傳太華峰何如方沼看新紅澆培更有如船

藕查滯都歸渾化中

行臺雜詠簡黃憲長暨諸憲僚二十首

行臺西接大明湖細柳新荷入畫圖海右風光今古  
意品題殊覺少陵孤

獨宿行臺暑氣清清吟已覺動高情令人若憶黃詩  
伯肯許連床聽雨聲

楊柳陰陰憲府深讀書因見聖賢心鍾期去後今千  
載誰復人間是賞音

獵獵風蒲水滿塘輕陰微雨芰荷香偶來乘興觀時  
物徐步芳洲趁晚涼

烟籠庭樹水侵階隱隱輕雷細雨來爽氣已添煩暑  
退好懷千古一時開

綠柳紅葵滿憲臺清渠碧沼斷塵埃城頭雨過天無  
際高鳥孤雲自往來

菰蒲深處水禽鳴雨過林塘水更清露滿碧荷看不  
定祇疑仙掌萬珠明

栢臺清晝鳥聲闌影落高梧夏日寒且喜輕陰天際  
歛開門咫尺見南山

水滿方塘蓋錦萍軟風高下颺蜻蜓清宵雨歇蛙聲  
急却憶湖湘草色青

萬朶紅葵拆錦苞  
新粧相倚開妖燒  
道人獨愛傾陽意  
併起丹心憶聖朝

行臺直北是高城  
城外溪流面面清  
更擬濛濛尋勝事  
觀魚後有昔人情

明時叨秩意何如  
祇向行臺讀古書  
自得自歌還自樂  
青天白水看鳶魚

四月行臺暑雨過  
方池無數長新荷  
貪觀物意歸來晚  
楊柳薰風到面多

瀟洒流年老鐵冠  
鬢毛雖白寸心丹  
天書重疊叨天寵  
驪馬長鳴宇宙寬

耿耿江湖意不怠  
頻年草屣奏明光  
行臺夏日看時物  
罷愛葵花向太陽

憶捧天書別九天  
分符頻與歲時遷  
行臺幾度逢佳節  
五月薰風入舜絃

夏雷挾雨急傾盆  
風色蒼蒼晚更昏  
清曉行臺看雙沼  
新荷已沒舊波痕

泰山觸石雲初起  
六合茫茫一雨同  
試聽康衢應有頌  
調和玉燭聖明功

繞屋葵花錦作圍  
畫墻墻外柳依依  
日長庭院遊絲靜  
乳燕穿簾自在飛



萬頃平湖接憲臺紅蓮如錦望中開何當與客凌飛閣更攬山川入吐懷

題趙雍畫馬三首

逸氣稜稜不受羈蒼林磨痒立多時會應有待王良馭掣電追風始見奇

白面驪駒汗血乾風鬃倚樹玉蹄攢誰人爲制青絲絡騎出橫門萬衆看

玉馬王孫已入周曾將絕藝寫驂駟謾誇有子能傳業不道東陵有故侯

讀嶧山碑李斯篆

六國平來四海家相君當代擅才華誰知頌德山頭石却與他人戒後車

重題臨朐行臺四柏二首

四柏移栽已二年重來相對意留連時人莫比甘棠樹淺薄慙無惠化傳

憲府重來栢漸高良材元不困蓬蒿還應老大驚人目香葉團空有鳳巢

重題膠州行臺二首

六年三按古膠東兩見葵花五月紅却憶端陽霽賜扇曾陪鷓侶觀飛龍

留題今是兩端陽海氣仍飄五月涼却愛名花當戶  
發還將遠意采幽香

四景爲李通政賦

石橋流水自東西綠樹連雲翠嶂低却憶當年持憲  
節扁舟曾泛武陵溪

紅塵飛不到青山宛轉橋通水閣寒立盡夕陽橋上  
客看山看水不知還

水落霜清水不波野人茅屋帶岩阿幽林採得憐香  
潔坐對南山興竄多

竹林茅屋枕江臯疊玉峰巒爽岸高似是剡溪清興  
發獨衝風雪泛輕舸

四景爲張給事題

雲滿青山水滿溪百花如錦草萋萋少陵詩思知冬  
少到處嬌鶯恰恰啼

百尺清潭萬仞山山圍水閣下虛寒道人已自無焦  
火况在山光水色間

無邊草木不禁霜只有黃花晚更香笑採黃花對美  
酒南山咫尺興難忘

仙家樓觀鬱嵯峨雪嶺冰溪眼底過驢背探春春信  
早詩情不必灞橋多

齊宿雜詠十首

高堂燈火夜相親  
點檢詩書憶古人  
自愧久持三尺法  
一生長保寸心春

霜竹風寒夜向深  
燈前讀易見天心  
京華又是逢長至  
坐憶堯夫子半吟

再入霜臺持憲節  
又承丹詔育菁莪  
只今理寺通朝籍  
倍覺天恩滾滾多

燈花靜夜結金蟲  
爐火其如樹杪風  
小閣有春應自省  
此心期與萬人同

法從追陪二十年  
寸心期不愧先賢  
士師自是庭堅臧  
尚憶虞廷詠勅天

馬蹄頻踏暮街塵  
理寺歸來月色新  
靜室有心空自省  
忘言相對是何人

金門待漏三更月  
玉陛趨朝五色雲  
補袞卽非樗散質  
微誠長祝聖明君

跡忝鷓鴣行第幾班  
朝回馬上看西山  
雪崖冰谷清如許  
咫尺烟霞未可攀

待伴未消窗外雪  
宜人偏愛竹間風  
齋居已自心如洗  
况與寒宵此景同

却城鍾鼓夜深沉  
棘寺燈前有客吟  
不是少陵耽麗

句虛臺元自發清音

題陳希夷圖

白雲回首是三峰  
宴坐蒼苔睡正濃  
人世紅塵渾斷絕  
野花啼鳥自春風

題枯木竹石

野渚春容

荒溪野渚曲流通  
蒼翠噴噴淑氣中  
瀟灑一般春意思  
紛紛紅紫挹高風

臨波春意

蒼玉生苔浸綠波  
新篁老木散枝柯  
徒勞人世歌招隱  
淡蕩東風野興多

淡靄涼生

扁舟幾度泛湘波  
老木踈篁翠石多  
涼吹淡烟圖畫裏  
遠懷清絕奈秋何

蕭騷霽雪

山間昨夜雪三尺  
曉雲如拭天無痕  
惟得清聲滿人世  
石林凍竹風翻翻

絕句三首

一室無塵靜有餘  
清風頻度小窓虛  
韋編讀罷心如水  
閑看浮雲自捲舒

擾擾征途二十年蕭蕭短髮賦歸田青山綠水都如  
舊得失升沉事落然  
早知大道心無外始覺身閑樂有餘一卷陶詩千載  
興悔將名利役慵疎

絕句四首

踈懶經旬不出門炎風暑氣任昏昏饑餐渴飲披書  
卷高卧開窓看白雲  
憶昔曾遊海上山夏雲冬雪滿征鞍如今贏得身無  
事一榻清風白晝閑

長江風起浪如山驛路紅塵幾往還三十年前四首  
處烟簑依舊釣磯閑

年少爭名老可羞青山綠水去來休是非得失何須  
問已是忘機伴白鷗

汾上春日二首

道邊桃李綠陰繁花落難招萬片魂只有清汾流不  
盡年年長是繞孤村  
汾水春流岸岸深水村新綠滿春林殘紅已逐東風  
盡不道遊人負賞心

宿青橋驛聽江聲

青橋驛近黑龍江江上灘聲暗入窓高枕纔眠過夜

半驚迴旅夢正淙淙

草涼樓驛

翠華西幸駐山間草閣乘涼動喜顏何似長安歌舞地鳳樓千尺更高寒

朝天驛

征驂行盡褒南道又上朝天驛畔舟兩岸雲林青未了嘉陵南去水悠悠

盆池魚

浮游南北與西東不出區區斗水中何似巨鱗居大海波涵天地浪搖風

泛川江有感

雙親未老我童年曾泛岷山六月船今日重來泛江水我衰親沒淚潸然

夏夜宿龍爪驛

風樹颼颼雨不休夜眠江館似深秋夢回忽見窓前燭驛吏催人又放舟

效竹枝歌三首

錦官城東多水樓蜀姬酒濃消客愁醉來忘却家山道勸君莫作錦城遊

江上小樓開戶多蜀儂解唱巴渝歌清江中夜月如

文集卷之五  
十一  
畫樓頭賈客柰樂何

楊柳颯颯天雨明  
錦江夜雨江水生  
鹽船無數惡年  
少閑上江樓看曉晴

却贈

有人情重贈充多柰我中心義理何  
縱使盡添齊楚富一身之外總爲他

放船

野曠天低江面平  
放船東下好風清  
江天况值新晴  
霽雲白山青望眼明

江行

兩岸好山看不盡  
一江烟水去無窮  
誰人爲和滄浪  
曲興在空濛香靄中

平羌望峨眉山

峨眉畫出天邊秀  
青到平羌尚未休  
山月半輪懷李  
白扁舟我亦下渝州

讀史二首

漢唐末事誰能鑑  
晉宋當年世所知  
猶有一編青史  
在悠悠長使後人悲

求言未若用言難  
不用忠言亦等閑  
若信當年江統  
論定無戎馬到長安

除夜

又逢除夜客西川銀燭金爐白髮前却憶去年京邸  
夜朝衣新試候朝天

蜀中元夕

京華西蜀兩元宵總去家山道路遙來歲乞歸逢此  
夕故鄉燈火沸笙簫

成都看梨花

錦城風煖不生塵開遍梨花萬樹春吹散綠雲簾盡  
捲廣寒宮裏有仙人

看木瓜花

杏艷桃夭二月終好花難比木瓜紅圓頭總愧青青  
栢生怕林間一夜風

詠史

平吳四海盡爲家內苑新添萬樹花祇喜羊車遊別  
院不堪輶道駕牛車

戲題則天鄉

無端險惡山川氣盡付當時武媚娘淫虐千年遺臭  
在至今人唾則天鄉

紀行口號

襄陽曾渡漢江水嶓冢還尋漢水源自咲昔無經濟



略道途何事往來煩

自朝天驛回京

去春舟發朝天驛今夏朝天嶺上回水陸朝天行已  
遍朝天從此上金臺

太常許卿送菜戲簡十首

爲謝東隣許太常嘉蔬頻送意難忘呼童帶葉連根  
煮咬得其中一味長

摘送園蔬露未乾釐成新味帶鹹酸幾回放箸詩勝  
飽絕勝先生苜蓿盤

空堂養病似齋居喜送東園幾種蔬喫此久無烹宰  
事不瀆仍用遠庖厨

白髮青袍老寺丞卜居喜近太常卿故知氣味多相  
似頻送東園菜把青

菜出東園種種新太卿相送意何親生平自是甘清  
味肉食能無愧古人

園蔬新拔帶霜濃爛煮香根放筯空誰識其中有真  
味不瀆苦羨紫駝峰

自笑官貧氣尚豪党姬休復論羊羔卿家能送東園  
菜清味還應厭老饕

此色斯民不可有此味廟堂不可無顧我已非調燮

手先生相送意何如

雅契名卿柰若何嘉蔬蘋送意尤多生平味此無厭  
足恐似當年喫菜魔

京華交契似君稀白首相看意不違忽見名園送新  
菜故鄉老圃倍思歸

徐州見黃河

吾家正在龍門下流出黃河幾曲長忽向徐州城外  
見牽情一水正思鄉

燕子樓

孀妾當時一女流猶知守節度春秋往來忘義忘仁  
者莫上彭城燕子樓

戲馬臺

八千兵渡大江來戲馬高臺亦壯哉何事烏江騅不  
逝高臺翻使後人哀

陵母墓

廉走中原海起塵獨從草昧識真人紛紛都是人間  
死母死高名萬古新

呂梁洪

長洪幾折奔流急亂石兩崖還疊重被髮行遊渾不  
見往來舟楫自匆匆

過淮陽有感而作

武皇側席正求賢直道誰居汲黯前何事不教留禁  
闕淮陽高卧度流年

高郵露筋廟二首

高郵女子志何堅假宿寧論性命全甘向荒陂死蚊  
喙此生元不愧蒼天

噴血其如利觜何荒陂一夕死貞娥從教筋骨當年  
露羸得清名世不磨

渡江

儀真北上廿三年又上江南濟渡船清曉登艫望

京國鍾山彷彿翠雲連

望南京

虎踞龍蟠入望邊鍾山瑞靄翠相連仰思聖祖開  
洪業定鼎宜過億萬年

題雙鵲圖

梅竹交青映栢枝飛來雙鵲立多時主人翁好無彈  
射有喜冷渠日日知

太平門

何處清時快往還太平門外好湖山閑花野草應無  
數惟有青松竄耐看

大理後庭竹林山色二首

鍾山雨過翠成堆  
竹裏清風作陣來  
愛竹看山有真  
樂高人遠矣憶追陪

閑愛隋篁靜  
愛山清  
陰秀色座中看  
老來漸得悠然  
趣天際浮雲任往還

臨終口號

土牀羊褥紙屏風  
睡覺東窓日影紅  
七十六年無一  
事此心惟覺性天通

青城分司暮春

漠漠楊花滿院飛  
重來又見一春歸  
去年記得停驂

日正月庭前雪作圍

題松竹梅圖

翠竹青松共白梅  
幾枝瀟灑出塵埃  
長年自保風霜  
節不學春紅向煖開

濮州道中口號

歲月多從馬上過  
勳名未立鬢先皤  
風霜滿面誰能  
識極目蒼天一放歌

舟發辰溪岸

岸脚挿江深  
洄潭搖石影  
舟行若天游  
妙處心獨領

靜夜

雨滴霜臺靜燈明憲府深新詩吟謾好誰復是知音

題墨蘭二首

已見光風轉應知九畹深殷勤采香潔持慰美人心  
既自充楚佩還曾入孔琴寄言采芳者雲谷莫辭深

秋夜

泠泠碧窓風皎皎踈簾月重門掩秋霜素練掃寒雪

荒逕

曉行荒逕中灑灑草上露日出雲氣收一鳥空中度

夜飲李海昌宅

重門敞春夕燈燭藹餘輝醉我百壺酒留連夜未歸

早起

鷄鳴耿不寐展轉待明發童子看窓前猶言有殘月

早發

晨星耿孤色曉月餘清朗舟入解纜行夢覺波聲響

野市

野市二三家柴門傍水斜溪童賣蒲笋歸路不辭賒

率成

舟過水無迹雲收天本清外物自紛擾吾心良獨明

文清公薛先生文集卷之五

文清公薛先生文集卷之六

長蘆水塘去雲外天本無於此日無於彼日

率如

性市二三家柴門對水橋

性市

最是烟波好月餘尚照俱人輔

早發

鱖魚煎不煎為轉春則鮮重子

早發

文清公薛先生文集卷之六

門人關西張鼎校正編輯

律詩

送和司訓

秋色滿平陰秋聲處處砧  
離筵對衰草別路繞疎林  
白日青霄迥紅雲紫極深  
此行應得意早晚報佳音

久雨遣懷六首

客居連市井積雨竟朝昏  
屋漏頻移榻泥深少出門  
愁風侵座冷簷溜入宵  
繁賴有詩驅悶無勞問酒樽

又

文集卷之六

秋來常苦雨風氣早生寒小鳥投林急高鴻下食難  
奔流淹古道密霧隱前山試誦停雲句中懷獨未寬

又

連日對秋雨其如客思何泥塗寧出戶流潦欲成河  
生菌井闌適積苔墻角多無由訪知己遣興且吟哦

又

泥濘不可出茅齋靜坐時懷賢尋往傳課子誦新詩  
近悟柔爲勝深知巧是非雨聲雜涼吹蕭颯發清機

又

密雨洒如絲涼風散漫吹泥塗殊沮沒茅舍久淋瀝

秋意心先得虫聲耳獨知出家至收穫何日靜雲霓

又

小窓聽雨坐燈影照孤吟誰識無邊道元同不外心  
客襟澄夜氣簷溜滴清音詩就無餘和悠悠思轉深

寄秉忠周司訓二首

良夜對床宿清晨送子行西郊雨新霽古道馬頻嘶  
執手別時話揮鞭獨往情相思杳難極鴻鴈帶秋聲

又

過我衡門下秋宵雨歇初繁星隨漢濶明月到窓虛  
別數寧辭酒談多不厭書今朝遠相憶陡覺鬢毛疎

謾成

客裏經年久交遊日漸新名浮真自愧知少不生真  
大道終非外微言纔是真悠然無所競轉覺快心神

陳廣文見訪

愛客情何厚肩輿到所居樽醪携臘蟻盤錯間春魚  
雅意忘年契高懷勝日雲劇談移永晝未促促歸途

挽江處士

處士好靜者放情丘壑間樽前流水遠窗外白雲閑  
孫子詩書熟交親禮數寬百年今已矣涼月滿柯山

蘆溝橋

沙水相蕩潏晴宵飛彩虹闌干臨極浦華表撼高風  
爽氣西山秀祥雲北闕濃南征從北發歸擬駐華

驄

入湖南界

行盡中州地湖南境界初漸聞人語異更訝鳥音殊  
溪谷多栽稻池塘盡養魚山村聊借宿風月夜堂虛

應山道中

萬壑嵐光滿曉騎驢馬行茂林交擁蓋脩竹送前旌  
到面溪風冷經心石澗清豺狼應遠迹狐鼠不須驚

晚至雲夢



雲夢行看近，肩輿趁晚涼。稻塍新穗吐，蓮沼落紅香。  
密樹隱茅屋，蕪堤繫野航。霜臺絕蕭洒，容我得徜徉。

發雲夢二首

鞍馬幾千里，又登雲夢舟。天圍平野闊，水入大江流。  
咲傲傾樽蟻，微茫聽棹謳。往年懷七澤，今日遂清遊。

又

昔聞雲夢澤，今泛楚人船。地遠烟迷樹，湖平浪拍天。  
南風清憲節，北斗燭龍泉。頻向中宵望，武昌何處邊。

大江逢霽景獨酌有作

舟行逢霽景，逸興杳難群。綠樹江邊影，青天水底雲。

衆山連復斷，雙鷓合還分。自酌金樽酒，微吟到半醺。

舟發城陵磯

急鼓催舟發，依稀見岳陽。遠波浮岳嶼，衆水合岷湘。  
竹瓦居人閣，杉牌買客房。且看風景異，未覺遠遊傷。

辰溪曉泛五首

沅水一千里，辰溪又泛舟。山雲合雨暗，身世與天游。  
已覺雞聲遠，惟聞櫓韻幽。所經多險涉，還似解離憂。

又

湛湛江流碧，層層石岸高。巖謳催健鷓，瘴雨洒輕舸。  
自勗冰霜操，寧辭旦夕勞。五溪山萬疊，何處是龍標。

又

怪石雙崖峻秋江一道平榜人皆異語岸鳥亦殊聲  
洞戶編茅小蠻舟剡木輕雖驚風土異重喜萬方清

又

蒼峽幾千尺天開萬古餘波穿石眼瘦舟壓水心虛  
歷歷瞻奇秀悠悠想化初所希觀物妙難覓邵堯夫

又

自有烟霞分觀風任所之洞餘槃瓠種江遠伏波祠  
秋老芙蓉樹雲深薜荔絲欲知清遠思祇是詠新詩

舟發長沙四首

曉遡湘江水微風漾碧波好山隨岸遠野燒入林多  
徃哲題詩處今予鼓棹過年來遊覽數天意遣吟哦

又

已覺長沙北猶瞻岳麓西天浮湘水濶樹入楚山低  
岸芷餘香草叢篁染舊啼昔賢遊覽地我亦爲留題

又

長沙城下驛解纜發扁舟水柵千家市沙村十里洲  
喜逢晴霽景况值太平秋憲節叨光寵懷賢獨未休

又

十日長沙住登舟憶少陵花飛有底急酒美爲誰傾

浩浩當年興悠悠此日名幸逢 明盛世持斧故南

征

湘鄉道中

湘鄉南去路連日是山行地僻溪潭綠冬和草樹榮  
野人懸稻把懸山家穀翻昨翻耜翻古戍列旌旌異俗今  
如此歸當話友生

恩親

三親俱久逝孤子際明時繆忝風霜任深承雨露私  
光榮寧及養劬育竟何爲願竭涓埃報焚黃會有期  
宿湘鄉道中山亭紀懷

又是山亭宿林巒夜杳冥天臨南嶺近風入北窓清  
開卷求心事傾壺蕩客情並親久辭世不昧想平生

沅州新正書景三首

楚南時節異正月似深春傍砌萱苗長臨池草色新  
江山晴景媚庭院煖風頻坐惜梅花落題詩憶遠人

又

頗訝沅州地新正景不同遠山青草瘴深院落梅風  
角角尋巢鳥喧喧采盡蜂春衣初試袂和氣滿簾櫳

又

楚地春來早群花次第開輕黃舒柳線重碧染莓苔

永日香凝篆和風酒滿杯端若叨  
寵渥何以荅涓  
埃

正月十三日夜書

兩日是元夕山城已試燈謳歌連夜發簫鼓遍街鳴  
大喜新風景時逢舊太平栢臺誰是伴梅月正交清  
道興

庭幽多樂趣雨歇愛晴暉綠竹生孫早紅梅結子稀  
賦詩新有趣讀易漸知幾眼境何空濶看雲天際飛  
曉上草閣

通宵雷雨驟曉霽  
登樓百鳥聲相和雙江漲合流  
寧知冀北客來按楚南州滿眼波濤急飄然欲放舟  
喬口溯流往長沙

楚岫無邊翠湘流不盡清香楓屈子賦苦竹鷓鴣聲  
風景常年事雲霞萬古情沙頭舊鷗鳥誰肯與尋盟  
武口守風四首

連日北風疾江濤拍岸鳴天垂平野月浪颭近船燈  
湖與歸心濶秋因客思清不眠聽鼓角高枕念王程  
又

武口叢祠下維舟幾日餘北風增駭浪南客念歸途  
水遠浮三蜀烟濃暗五湖江村秋雨裏難覓酒家壚

又

歸思方正切北風何太狂江村平隱見湖樹遠微茫  
浪起魚龍伏天低鶴鶴翔貂裘思更著秋雨早生涼

又

繫舟楊柳驛風雨苦連朝遠岸州埋樹荒村水沒橋  
年華身老大湖海興蕭條天意何留滯應憐望國遙

舟中偶成

舟中如斗室坐卧覺心清閉戶憮風冷推蓬愛日明  
偶思前世事因見古人情自顧知何益詩書浪得名

漢江曉泛

城下扁舟發江清宿霧消竹林迎岸出粉蝶背人遙  
神女無消息明珠久寂寥鹿門看漸近蒲耳颯清颯

舟中遣悶

五日行不盡洞庭青草寬窮陰連旦夕密霧隱湖山  
詩思雖難竭酒壺行復乾孤舟親愛遠何以暫爲權

近日收書漸多戲成

元凱真成癖收書日又多靜須頻檢閱忙不廢吟哦  
得意欲誰語感懷聊自歌忘形到爾汝膠漆豈能過

武陵曉泛

今朝風日好來泛武陵溪碧水寒依岸蒼林遠護堤

沙光搖野馬人語散堯鷺二月桃花發還應處處迷

院中遣興二首

為客知應久池塘夏景深圓荷高倚蓋新笋密成林  
山鳥因時語陰虫應節吟乾坤知帝力自許一生心

又

片雨過山城空階物意清黃梅拾又落翠蘚踏遂生  
幾許催詩景無端望國情蠻方新事少烏府但橫經

夜坐偶書

夜夜燒官燭時時讀我書斗牛雙古劍天地一迂儒  
郡邑三苗外風霜兩歲餘江湖懷魏闕似覺髮毛疎

舟中三首

來往雖云數應無愧此江觀書心見獨操櫓韻聞雙  
岸轉山相掩湍奔石互撞裁詩清興發晏坐啓船窓

又

石底明皆見清波淡不流幾年烏府客一葉楚江舟  
求富知為妄存心得自由所欣安履順未必歎淹留

又

好在黔中地相留過幾年岸經冬嶺樹水宿夜灘船  
支枕思前事清心憶往賢一陽看漸近吾道故應旋

黔江曉泛

五月蠻江漲官船泛泛輕波光一道白山色兩邊青  
只有耽書癖都無報國能中原有家室終日望歸程  
詩禮堂爲祈聖公賦

洙泗趨庭日相傳自世家三千惟有敬一語自無邪  
喬木參天色倚蘭繞砌花遺風從此地化雨被無涯  
崇恩堂同前

赤芾趨朝日彤庭錫勞時宮壺霑寵渥命服被恩私  
遺澤應無竭深恩勉自持高堂書盛事行見被聲詩  
題風木卷

秋色滿天地寸心將若何行雲寧返迹逝水絕田波  
斷織封蛛網殘篇掩蓼莪空餘東嶺樹向夕受風多  
題瞻雲卷

遊子久行役松楸空係情幾經秋草合長見白雲生  
水映遙空淡烟迷暮壠平鶴歸華表夜滄海月虛明  
人日立春

人日逢春日韶華此又新暫歸持斧客猶是讀書人  
別久交游敬年深骨肉親昇平占霽景愛國賦詩頻  
村居

喬木荒村古歸來遂所居人情安兀樂機事識舟虛  
歲晚霜橫野宵長月照書心田恐蕪沒不敢廢耘鋤

讀書

俯仰千年道常看萬卷書  
髮毛兼黑白事業尚鉛朱  
庭雨催寒早窓風度月虛  
撫時寧浪出慨想北溟魚  
中秋夜諸生持酒至二首

憲府乘驄入湖南仗斧遊異鄉  
饒節序故里忽中秋  
白日當空度明河入夜流  
諸生勞載酒堅坐看相酬

又

五見中秋節湘南想北州  
忽看今夜月忘却昔年愁  
汾水通河漢龍門近斗牛  
霜鍾傳永夕高詠未能休

示弟瑋

大屋星霜久新年雨雪頻  
田園知己薄生計可忘勤  
喬木宜思祖鷄豚莫惱鄰  
東堂花幾樹應與歲俱春

聞張侍御陞大理卿復陞都御史

聞道張公子頻年被寵光  
一清廷尉法再肅栢臺霜  
絕足風雲濶高門歲月長  
所期崇令德汗簡看垂芳

夏夜

蕭蕭涼景夕滯懷詩思生  
蛩鳴新雨霽鍾過晚風清  
爽氣浮天極鄉心對月明  
中州知久客歸興繞汾亭

挽吳孺人

高節知誰似終身不二天  
脩篁秋更綠老栢苦尤堅



意切和熊處心傷斷織前賢卽今有立紫誥貢幽泉

直沽舟中

潮來兩岸平風順一帆輕海濶浮雲白天低野樹青  
久叨持斧客非是棄繻生岱岳行看近秋高試一登

按部出濟南

雨歇西門道微涼草樹秋風雲連北極海岳接東州  
聖世方全盛書生得壯遊頻年叨寵渥感激未能  
休

七夕宿鄒城

知子國中宿高堂蠟炬紅消林鶯夜鶻繞砌響秋蛩  
遠意知誰省長吟未許同去年當此夕京國見西風

發長清

清曉出南郭南行喜有山入林秋霧薄到面水風寒  
已覺年華大遽應宇宙寬幾回持憲節不改鐵爲冠

盧主事具慶堂

盧子古名族幾年家大梁未爲觀國士已作奉親堂  
喬木侵簷密芳花繞戶香春風長滿座永日但稱觴

登州抵福山道中二首

岡嶺高還下荒村斷復連波濤風捲雪岳嶼日生烟  
水圻人間境春融世外天雲霞今古異何處有神仙

又

正是春光好重來海上行輕鷗聯影落旅鴈一行鳴  
徐市三山棹安期萬古名只今俱泯沒惟見水雲平  
潞河舟中

歲月忽如昨三年又此來水長通 御苑山近繞金  
臺謬擬傳心學慙無濟世才永懷清不寐終夕望三  
台

舟中思親

三十年前事舟中忽有思老親遊宦日已蜀泛江時  
青嶂兩邊合黃猿萬樹垂只今行海岱恐自受 恩

私

滄州舟中

澶漫滄州北舟行逆水遲連林秋柳瘦接翅晚鴉稀  
原野波濤滅人家生理微端若對明燭深念莫相違

病齒

病齒經時久憂煩屢攪腸吟哦良覺廢誦讀總相妨  
志切風雷益心懲噬嗑剛舌柔無所苦因悟養生方

賜紗

理寺承 恩召宮紗被寵光紅酣昇海日濃染自天  
香省德知輕重裁衣稱短長章身良自愧何以報

皇唐

賜扇

勅賜端陽扇雲箋五色花動搖煩暑退披拂好風斜  
法語真堪畏湯銘恐未加聖賢訓請諸身心蒙帝  
力留與子孫誇

登南坡

雨霽陟岩堯涼風作陣飄日隨青嶂遠心與白雲高  
野草連岡細家林百尺喬茫茫天宇內倦鳥已安巢

漢江源

巨峽自天闢峨峨嶧豕尊迴環幽谷底以清淺漢江源  
泉古通元氣根深徹后坤朝宗東去去思應不廢晨昏

嘉陵泛江

湛湛嘉陵水沉沉石底明岸翻雲樹影谷響棹歌聲  
微冷南風細輕陰暮雨晴應難逢此景還慰遠遊情

嘉陵江雨

官舫泛嘉陵渾如一葉輕灘高駭浪急岸濶漫流停  
山木無邊翠入烟幾處青棹歌高枕聽竟日雨冥冥

雨後宿嘉陵

夜宿嘉陵岸扁舟雨不休山雲迷澗壑林火射江流  
人坐思王事難眠動旅愁所期氛祲掃走馬上神州

嘉陵喜晴

不堪蓬背雨直打到天明  
乍喜朝雲歛俄看旭日晴  
林分千嶂秀山空一江清  
泛泛情何極舟人急櫓聲

錦城寓館八首

寓館富花竹書齋夏日長  
芭蕉紅錦秀梔子白花香  
樹密寧知暑窓開但覺涼  
遠懷雖暫遣世慮未能忘

又

曲逕通幽處交陰翠竹高  
書齋成雅趣花圃愜遊遨  
石甃涵天影風林作海濤  
寧知城市內清境勝江皋

又

細雨過空庭纖纖草色青  
涼風生近戶淡靄散高冥  
林外鶉聲急簷前燕語輕  
錦城雖可樂終是念歸程

又

當戶海榴樹紛紛落絳英  
竹林新笋出石砌綠苔生  
小屋知心靜繁花覺眼明  
少陵今遠矣誰與論詩情

又

偶居錦城館迺似浣花堂  
雨過青苔潤風來翠簾涼  
竹鳴蕭洒韻花送自然香  
清興雖無盡鄉心未可忘

又

紅芳經雨重翠竹引風多  
生意每如此天心柰樂何

一杯吾自勸隔戶鳥當歌忽起鄉關念條山繞大河

又

清晨坐書閣初日照花林宿露泫庭竹晴天轉野禽  
心無一念雜窓絕半塵侵道理無邊在悠然思轉深

又

閑坐竹林內風來見穉飄輕烟晴冉冉涼氣晚蕭蕭  
易古選宗卻書刪却自堯莫嫌耽典籍清景美相調

有感五首

火發木將燬茲生理自危洞觀千古事深合一時為  
往事既如此來踪可更追爾心徒自省吾道欲何之

又

誰使三苗叛深勞王者師操兵諸將勇轉粟萬人疲  
行見投戈日還看奏凱時犬狼何足道雨露本無私

又

錦里南天外中原北斗邊乘軺孤節遠戀闕寸心懸  
鴈塞妖當掃龍沙 駕已旋忠臣扶社稷快着祖生

鞭

又

庶官務割剝不念遠人窮况復羽書急時兼饋餉供  
探兵林莽密轉粟水山重指日妖氛掃車書四海同

又

禁闥知無補江山敢憚勞運糧民力困討賊將心驕  
圍解人饑死蠻窮縣却燒貪官能致亂選牧望天朝

錦城館雜題十三首

竹

誰種庭前竹蕭森數十竿高簷晴落翠虛室晝生寒  
韻喜風前聽陰宜月下看莫言家在遠長得報平安

榴

細葉枝枝翠嬌英朶朶紅愛看房有實不信色爲空  
迎夏葵爭發傾陽意略同因之思漢武花滿近郊濃

芭蕉

弱植亭亭立新枝漸漸開自能承雨露元不愧塵埃  
藥艷抽紅錦陰長落翠苔新詩題滿葉秋意莫先來

木瓜

廳外有奇樹木瓜枝相交幸自少酸味何由動老饕  
香氣頗幽馥鳥聲恒寂寥莫爲相好贈却恐報瓊瑤

櫻樹

小圃高櫻樹亭亭迥出雲近身皮盡古到頂葉纔分  
性直鍾元氣根多托厚坤幸茲無剝削生意得長存

竹

爲是根延蔓因知笋易生破苔錐快利穿砌角崢嶸  
籜解龍蛇蛻梢翻翡翠翎漸應爲勁節行復上青冥

梔子

梔子湖湘見重看  
在錦城花如梅蕊淡香比木犀清  
會取風霜實還添藥餌名莫嫌滋味苦利益似忠誠

木犀 卽丹桂也

愛此木犀樹青青長近階每承朝露重長引夏風來  
嘉卉應難得高人喜賸栽不知歸去日還得見花開

盆池

圓盆爲池底方石爲池鉉貯水無多于涵光亦有焉  
影隨庭下樹雲度鏡中天好似人心靜森然萬象全

雙栢

此山多古栢此地少爲竒並長庭階下雙承雨露滋  
貞心惟我共苦意只天知清影充宜夏時來一翫之

草

密密庭前草纖纖每易生細搖風葉軟微綴露華明  
生意知無間乾坤大有情不除思茂叔心與共欣榮

花臺

臺累層層級花開種種香雨過苔色淨風動樹陰涼

高下當虛牖依稀近小室讀書頻對此瀟灑意何長

竹徑

竹徑通書室行來宛轉深舉頭交翠葉步履踏清陰  
舊籜頻飄地新篁亂滿林好風涼不斷洒洒滌塵襟

竹下四首

翠擁如雲竹門開一逕深成林常少日接葉自多陰  
山鳥時聞轉風蟬忽聽吟把書閑讀處涼籟覺心清

又

愛此竹林僻千竿翠葉交濕衣清露重到面好風飄  
旋解龍鱗籜新抽鳳尾梢逕幽仍宛轉聊此慰逍遙

又

夜雨朝來霽閑從竹下行尚餘零露濕倍有好風生  
凌亂陰還厚飄蕭韻自清獨高君子節長結歲寒盟

又

積雨苔長潤生風竹自涼誰開延客逕舊作讀書堂  
魚躍盆池水花傳瓮牖香清心時宴坐遠意到羲皇

有悶二首

盛夏不興師如何動鼓鼙誕敷今已遠來格爾何遲  
火嶺安營苦炎荒轉粟疲會應霖雨降早見洗兵時

又



五月北風多聲來撼遠柯飄蕭今已甚震蕩復如何  
昧昧思嘗膽紛紛謾擁戈唐時洗兵馬誰爲挽天河

遣懷

如何三月外猶未得家書爲少南來鴈因稀北上魚  
謾明新使節祇想舊田廬旦夕聞消息中懷暫一舒

聞道四首

聞道征南將長驅十萬兵天威除貔妖宿掃撓槍  
路濶烟塵息城開子女迎還當布息信長見八蠻清

又

大將總雄師三苗勢已衰重圍方解日梗路漸通時

荒破宜興復瘡痍在保綏安邊有長策夷夏樂雍熙

又

兵勢如破竹長驅甚建瓴已應獠種遁還見鬼方清  
息信更須布干戈可暫停但令疆圉靜休慕簡編青

又

苗頑從古昔醜類近尤乖月暈城遭困峰屯路不開  
王師天上降虎將日邊來一掃蠻荒靜從容奏凱迴

五丁峽

巨峽三千里天開幾萬年泉飛林杪雨雲合箆中天  
一水橋頻度層崖石亂懸梁州舊禹跡繆矣五丁傳

入徐州境

春首及徐方行來道路長殘水餘積水霽雪帶連岡  
遠野通淮甸懸流近呂梁征鞍行可解不日上舟航

古滕薛城

纔過古滕國還瞻舊薛城分封遺壞堞列爵但虛名  
冉冉春烟淡悠悠野水清望中今古意信馬獨含情

高郵阻雪河水

淮海連朝雪官河一夜冰虹橋千里直鯨浪兩堤平  
履薄應難渡舟膠不可行會須融皎日波軟片帆輕

登孟城驛樓

驛樓晴望遠漫漫野湖平雪樹迷村白沙鷗泛水明  
春烟浮近市午日照高城何限船依岸危檣出杳冥

金陵官舍

宛轉橋通水依稀屋近城池塘經雨濁驛晚映天青  
檻柳回春色園禽變曉聲官居能有此聊可豁高情

江道士涵碧軒

飛閣環流水層軒面面開虛澄涵倒影淨碧絕浮埃  
鏡裏閑雲度潭心爽氣來道人能有此還似小蓬萊

螢

知爾能微細長因腐草生柳邊添箇箇竹裏亂星星

歲月驚時序乾坤見物情莫言光耀少還是黑中明  
樵雲野老

自得山中趣都忘世上名閑尋肥遯侶共作斫雲行  
泱泱溪流響丁丁谷應聲偶然值漁者問答有深情  
睡起偶題

睡起涼風入空庭過雨餘幾竿窗外竹數卷案頭書  
欲淡心無競官閑樂自如老知安所寓不復更區區  
楊尚書邀飲

好客楊司寇招邀酒屢傾四筵羅綺食滿座列豪英  
壺矢投何急觥觴亂不停猶言情未盡別上水心亭  
送俞侍郎歸江南

官僚新寵數藻鑑舊光輝正擬承恩大俄看賜告歸  
征帆千里發旅鴈一行飛勿藥應添喜重來覲袞衣  
將歸山西留贈陳廣文三十韻

八月中州地秋光動客懷氣清行少昊令肅掩恢台  
樹老蟬俱寂葭黃鴈正來寒流澄靜碧晚岫拔崔嵬  
紅熟風林東青生雨砌苔候虫聲唧切砧杵韻喧逐  
上下璣衡轉西南斗柄迴憶從朝鳳闕便爾別金臺  
來往家山道留連索水隈古情吟楚漢高義得陳雷  
屢和鏗鏘韻頻傾漱澗杯未窮詩酒興俄動蓼莪哀

荏苒逾三載，栖遲愧寸才。聊爲萍水別，近擬故山回。  
秋意方如此，交情每快哉。應同楚地橘，濫比傅岩梅。  
晚節看松桂，殊芳異草萊。故應嗤樸櫟，深是重竒瑰。  
意得寧煩女，心通不假媒。素懷期坦率，俗意絕嫵猜。  
白璧寧容垢，青銅未可埃。我行方浩蕩，君意莫徘徊。  
砥柱洪河坼，金天華岳開。驛亭頻莫柳，郵舍幾陳荄。  
汾水秋浮浪，孤山晚作堆。兒童應項領，父老想樽罍。  
原栢心先折，庭梧手自栽。昊天恩罔極，風木意難裁。  
未遂林烏報，頻驚鶴隴催。還當訪知己，嗚佩覲天階。

曉登沅州北山頂

嵐靄氤氳重，溪行咫尺迷。漸登層嶽上，始覺衆山低。  
遠近天無際，參差樹不齊。川雲平似海，石磴峻如梯。  
日出寒烟外，風生碧澗倪。禽和露宿快，馬度空嘶。  
遠目回三蜀，高懷遍五溪。歸朝誇勝槩，沅水有新題。

戲題紅白二梅花落

簷外雙梅樹，庭前昨夜風。新英兼舊蕊，墜粉間飄紅。  
已見苔成錦，方疑色是空。粧娥初點額，舞女欲迷蹤。  
雨重臙脂濕，泥香瑞雪融。不知何處笛，併起一聲中。

喜雨四十韻

天地開明運，風雲各有人。道圓千古泰，氣統一元春。

合樂來儀鳳編詩詠瑞麟杞楠求偉器瑚璉重奇珍  
竊抱風霜志榮瞻日月新繆膺三鳳薛敢比八龍荀  
早歲心雖壯中年學未醇上書希賈誼著論過嬴秦  
跡忝鰲頭客官爲豸角臣憶從簪白筆寧敢愧蒼旻  
持節南荒外懸旌北海濱幾看星轉斗頻見月飛輪  
疾惡寧留枉存心但有仁股肱恢漢道耳目廣虞詢  
沉澧時清歲衡巫景晏辰驕陽嗟久亢膏澤仰惟均  
使者應無色官曹想未循黎元疲吠畝巫覡走村隣  
偏側憂群志安榮愧此身靈幽寧可必衷曲謾潛陳  
帝德深涵物天心遠愛民化機四頃刻沛澤匪群倫  
婦子皆宜室兒童總孝親甄陶歸廣大笑語極詳諄  
已卜年皆有還應俗盡淳疇羸躋壽域夷獠變儒紳  
沴氣全知歇休徵屢覺臻商羊方罷舞尺蠖會求伸  
魚目難容僞明珠賴倚真積處纔曠日志喜不逾旬  
野遍秋前綠衢涓霽後塵亨豐原有數貞勝豈無因  
荆俗猶欽鬼黔靈早降神華風人共靡大道子能遵  
時譽難稱實佳章枉見申功因簣土積學比大田  
物備應知富神克不累貧詞華兼問晉風雅獨傳幽  
自顧心如雜相期德在純從容江漢日行見起堊綸

寄司封李原德三十韻

磊落青雲士龍門憶共遊蕙葭汾水暮松桂禹宮秋  
架石千尋閣盤空百尺樓兩山開翠峽萬里滾黃流  
弱水崑崙外扶桑滄海頭山川窮壯觀物理入冥搜  
勝地杯同酌清心道共謀真傳推舜禹正學拱軻丘  
每苦紛紛論誰能坦坦由濂伊勞績述闕建得尋抽  
自此陽光發還應燭火收劇談隣繾綣良覲展綢繆  
日月開皇極風雲會帝州一官陪舊侶三俊話前脩  
待漏金門闢趨朝紫氣浮方期聯彩鳳又見促鳴騶  
盛典旁求遠天書寵渥稠遷喬登粉署持節騁華  
輶火改時頻易杓移斗屢周緘書知百坎申意見中  
孚理大天無外毛輕德可儔謬推追電足深仰邈源  
舟一別三年久重來數日留玉瓶携綠蟻珠噉雜銀  
鈎又見逢離索那能足倡酬清霜京邸月踈柳禁城  
溝遠意煩深念高文可更求士希賢作聖道仰魯傳  
芻歲月雖云邁詩書敢自休論心殊未悉短札暫相  
投

喜雪有序

正統四年十一月十六日予出按所部時不  
雨者殆兩月矣麥雖出土而根苗浮露遊塵  
遍野土脉不能疑潤將無以爲來歲發生之

機所遇居氓行商以及部屬之吏咸戚然有  
憂色予亦同其憂而時據鞍攬轡閱閱不怠  
於道途之間是月二十六日抵東昌之博平  
大風連日天微有陰色予意以爲將雪之徵  
二十九日早發博平風止雲合雪遂作中途  
雪大作至清平連三日夜雪乃止瀰漫千里  
皓然一色由是民吏釋然大悅相賀以豐年  
之兆灼灼可驗予亦喜不能已遂賦律詩三  
十韻以紀其事是冬十二月朔日書

憶辭歷下日正值仲冬天衢路開晴色城闌散曉烟  
地連滄海外山統岱宗前玉節知頻握鉛刀每學鏘  
行行周郡邑納納大坤乾戀國心如結憂民志自堅  
風威連序甚雨雪半冬愆細麥浮乾壤游塵滿大田  
根芟思潤澤翕合望開旋行旅心相語居民慮共煎  
慳陰嗟甚矣生理卜終焉謬忝觀風客深期閔雨賢  
心搖金匱匝念切錦鞞鞞悵望雲霞靜驅馳路道偏  
行臺時徙倚小邑重流連竟夕寒飈作侵晨凍靄懸  
自天來素節匝地結冰泉平野迷霜蹟遙山聳白巔  
影窺瑤水鶴人舞桂宮仙庭栢欺寒色林花鬧曉妍  
八荒開瑩潔萬象失蒼玄肅肅氛埃歇飄飄沴氣捐

已應消騰蠶重覺伏螭蟻節轉和平候時占大有年  
玄功歸紫極上瑞繼青編承紀雙莖異雲歌五色鮮  
鳳麟來曠邈龜馬出淪漣盛事宜方駕貞符足並肩  
腐儒叨際遇

帝力荷陶埏雅頌知非職歌謠竊自傳

古人作雪詩禁用體物予詩中於柳絮梨花  
如銀似玉之類皆置不用亦古人之遺意歟

### 送王秀才

歷下山川秀高亭古製存朱闌環碧沼綺席擁金樽  
李杜來賓客機雲列弟昆清言鳴佩玉雅奏雜篋墳  
目昔稱名勝于今數大藩雲烟通海岳峰嶺接天門  
正是霜空肅那堪葉落繁高城連粉堞周道駐華軒  
良會今如此高情可更論芝蘭爭奕燁鴻鴈各飛翻  
天上歸寧後還來叙昨歡

### 曉出東平州十韻

憲節凌秋發城門逼曉開溝長流水去野曠遠風來  
跋馬橋頻度看山客屢回川原行未已齊魯望悠哉  
漢檢天門石漢封禪秦碑海岸臺秦刻石處淡烟橫曲阜  
旭日上蓬萊遺蹟懷前古觀風慰好懷衢樽須共飲  
井稅不煩催每見桑麻野深期祀梓材行歌方自得



文集卷之八  
前陟更催鬼

挽徐憲使三十韻

梁園春寂寞共嘆哲人凋自是鍾神秀原應降岳喬  
劬書當早歲窮易每通宵遠念韋編絕潛觀法象昭  
數從環內起心向畫前超甲子開文運寅正建斗杓  
豹斑深積霧鵬翼快扶搖海內時名大關中教澤饒  
方看來鵲雀行復降星輶地切神仙府人瞻玉雪標  
旋應陪馭鶴長是綴班貂啓沃師井尹開陳仰妣姚  
緝熙惟一德誠孝每三朝

龍衣登宸極離明麗遠霄周旋觀盛禮寵數冠群僚  
文見橫英蕩遙知格有苗霜臺俄拜命駟馬屢揚鑣  
路出荆門險封連晉水遙情非鷹隼擊心與鳳鸞要  
政簡民無擾風清吏不驕兩邦懷舊德千里守新條  
魏闕心仍結鷓行首屢翹人期黃髮在鄉有白雲飄  
列郡愁空劇孤魂去不招野棠還簇簇臺柏自蕭蕭  
丹旄飛雲遠青山積雨消羊腸高岌業馬鬣鬱嶠峽  
客憶曾遊寺人憐舊度橋儀刑傳父老名姓到漁樵  
事業歸良史豐碑闕伯高

酬李吏部韻

祗是尋章句何曾學聖賢寸心徒炯若兩鬢已蒼然

沈沈應難及區區只自專妙非探月窟蒙有玩山泉  
希復勤晨誦多應懶晝眠簟涼紋似水牕寂帳如烟  
正起端烏帽俄承送錦箋騰空蛟勢矯出海蚌珠鮮  
述作淹群籍吟哦盡一篇卦看脩省震天悟性情乾  
便擬師兼良誰勞說又玄茅心知我塞水智羨君圓  
德業勤磨玉功名慎着鞭沉潛知理奧明炳識幾先  
自是中情固寧教外物遷晴窓看野馬碧漢仰飛鸞  
欲識無邊道須知不外天味深玄酒酌聲淡伯牙絃  
佳士宜紛蕙高人獨愛蓮化機寧有息雅興自無邊  
寶瓚須金飾羔裘有豹緣翱翔還接翼出入最差肩

肺腑真傾瀉詩書已貫穿天官留藻鑑匠氏備宏椽  
規矩誠前定方圓自不憇門清真似水道直更如弦  
幹有千尋聳金更百鍊堅但教孤節茂羸恥大名全  
自愧方知學深思未可權交情殊滾滾高論竟連連  
尚覺中懷劣難勝外慮牽何時除舊習但日竊陳編  
大意全無見幾微總未研真誠誇末學寧敢接先傳  
浩蕩乾坤大推遷歲月延海波應渾渾蠡挹繆涓涓  
有蘊川光媚深藏寶氣纏珠還寧買積魚得可忘筌  
舊業勞鑽仰新知可棄捐斯文終古在共覩日星懸  
文清公薛先生文集卷之六

文蔚公籍資主文業夢玄六

書業於巖中隱映可棄餘思文強亦其時日思  
存蓋以文辭氣意實餘懸經墨平買論息計石急於  
常蕙神壯大群懸嶽且或富其願而無益於世  
大意全無其幾餘未而真諸符未學寧煩林去尚  
尚費中謝之據想於款率何報創書置日日辭軒  
自對其映學悉思未下對交辭釋氣感高舖竟數出  
綽齊千壽登金與百稔望出於庶庶曾改慮取大浮全  
賦張請前式式圖自不慈門請真妙水鼓直更  
報想其財祇指書行貴樂天官留後證西月滿永

